



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼԵԶՎԻ ԿՈՄԻՏԵԻ ՆԱԽԱԳԱՀ
ՀՐԱՄԱՆ

27 նոյեմբերի 2023 թվական, 44

Ք. Երևան, Կիևյան 16

ՎԱՐՉԱԿԱՆ ԻՐԱՎԱԽԱԽՏՄԱՆ ՎԵՐԱԲԵՐՅԱԼ
ՎԱՐՈՒՅԹ ՀԱՐՈՒՑԵԼՈՒ ՄԱՍԻՆ

Հիմք ընդունելով Հայաստանի Հանրապետության լեզվի կոմիտեի վարչական իրավախախտումների բաժնի ավագ մասնագետ Գոհար Մանթաշյանի 2023 թվականի նոյեմբերի 27-ի հաղորդումը «Տեքսլայն» սահմանափակ պատասխանատվությամբ ընկերության՝ Հայաստանի Հանրապետություն, ք. Երևան, Կիևյան 7 հասցեում գործող խանութում Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի վերաբերյալ և ղեկավարվելով «Պետական կառավարման համակարգի մարմինների մասին» Հայաստանի Հանրապետության օրենքի 9-րդ հոդվածի 3-րդ մասի 25-րդ կետով, «Լեզվի մասին» Հայաստանի Հանրապետության օրենքի 6-րդ հոդվածի 2-րդ մասի 2-րդ կետի «ա» ենթակետով, Վարչական իրավախախտումների վերաբերյալ Հայաստանի Հանրապետության օրենսգրքի 9-րդ հոդվածով, 254-րդ հոդվածի 1-ին մասի 6-րդ կետով, 255-րդ հոդվածով՝

ՀՐԱՄԱՅՈՒՄ ԵՄ

1. Հայաստանի Հանրապետության լեզվի կոմիտեի վարչական իրավախախտումների բաժնի պետ Լիլիթ Հարությունյանին՝ ապահովել վարչական իրավախախտման վերաբերյալ վարույթի հարուցումը «Տեքսլայն» սահմանափակ պատասխանատվությամբ ընկերությունում:

2. Հայաստանի Հանրապետության լեզվի կոմիտեի վարչական իրավախախտումների բաժնի գլխավոր մասնագետ Արմինե Տեր-Բալյանին և ավագ մասնագետ Տիգրանուհի Օհանյանին՝

1) պարզել Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի առկայությունը «Տեքսլայն» սահմանափակ պատասխանատվությամբ ընկերության՝ Հայաստանի Հանրապետություն, ք. Երևան, Կիևյան 7 հասցեում գործող խանութում.

2) «Տեքսլայն» սահմանափակ պատասխանատվությամբ ընկերության՝ Հայաստանի Հանրապետություն, ք. Երևան, Կիևյան 7 հասցեում գործող խանութում Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի առկայության, ինչպես նաև լեզվի բնագավառում այլ իրավախախտումներ հայտնաբերելու (բացահայտելու) դեպքում օրենքով սահմանված կարգով հարուցել վարչական իրավախախտման վերաբերյալ վարույթ և արձանագրել վարչական իրավախախտման դեպք(եր)ը, վարչական իրավախախտման վերաբերյալ արձանագրությունը կազմելիս ապահովել «Տեքսլայն» սահմանափակ պատասխանատվությամբ տնօրեն Լուսիկ Սերյոժայի Մելիքյանի ներկայությունը:

3. Հրամանի կատարման ժամկետը՝ 2023 թվականի նոյեմբերի 28-ից 2023 թվականի դեկտեմբերի 22-ը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼԵԶՎԻ ԿՈՄԻՏԵԻ
ՆԱԽԱԳԱՀԻ ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝
ԳԵՎՈՐԳ ՀԱԿՈԲՅԱՆ

